

Շնորհք, ողորմութիւն, սէր, խաղաղութիւն և քաղցր ակնարկութիւն Ամենասուրբ Երրորդութեան Հօր և Որդւոյ և Հոգւոյն Սրբոյ և լուսասփիւռ հովանի Մեծի Տաճարիս Մայր Աթոռոյ Սրբոյ Կաթողիկէ Էջմիածնի, և պահպանողական զօրութիւն Աստուածամուլի Սուրբ Գեղարդեան, և կենսատու խաչամասին Քրիստոսի, օրհնութիւն շնորհաբաշխ Աջոյ բազմաչարչար նահատակին Քրիստոսի Սրբոյ Հօրն Մերոյ Գրիգորի Լուսաւորչի, զօրութիւն տեւողական նշխարացն Սրբոց և մանաւանդ սրբափայլ կուսանացն Հռիփսիմեանց և Գայիանեանց և ամենից սքանչելագործ սրբութեանց գանձելոց ի ծոց Մօրս Լուսոյ Հրաշակերտ Տաճարիս, հանգիցէ ի վերայ հոգւոց և մարմնոց ձեր ամենեցուն ամէն:

Եւ ընդ Տեառնապարգեւ Առաքելական սղջունիս և օրհնութեանցս յայտ առնեմք սիրելեացդ, զի առ ի լնուլ զբազմապատիկ պիտոյս և զկարօտութիւն վիճակիդ՝ ահաւասիկ կարգեալ ի պաշտօն Առաջնորդութեան զԳերապատիւ Մեսրոպ բպիսկոպոսն Սըմբատեանց՝ զյաւէտ սիրելին մեր ի Տէր, առաքեմք առ Զեզ ի ըստանձնել զիւրն պաշտօն և կառավարել զվիճակային, զկրթական և զայլ ամենայն գործս ըստ արժանւոյն՝ սահմանեալն կանոնօք համաձայն օրինաց եկեղեցւոյ մերոյ և պատուիրանաց մերոց:

Մեք քաջայոյս եմք, զի նորընտիր Սրբազան Առաջնորդն Զեր՝ փորձառու, կենցաղագէտ, բարենախանձ յատկութեամբք իւրովք վայելեալ ի ձէնջ զսիրալիր ընդունելութիւն և զհամակրութիւն և զարժանին աջակցութիւն յամենեցունցդ ըստ բարոյականին և ըստ նիւթականին, ուշ ի կուրծս եղեալ լցուսցէ զպիտոյս եկեղեցեաց և բազմակարօտ դպրոցաց վիճակիդ, պաշտպանեցէ զմանուկս եկեղեցւոյ Հայաստանեայց ի հաղբից թշնամեաց ճշմարտութեան, ի բաց խլելով զչար որմունսս յայգւոյն Քրիստոսի, զգուշացուցանելով զամենեսին ի հոգեկորոյս գաղափարաց օտարուսումն վարդապետութեան, արիութեամբ հովուեսցէ զԶեզ ի վայրի գալարուջ և առ ջուրս հանգստեան աւետարանակսն վարդապետութեան և տիրապարգեւ խաղաղութեան, որպէս զի և Զեզ, ինչ ո՛չ պակասեսցէ ըստ հոգւոյ:

Ակն ունիմք, սիրելի՛ որդեակք, զի և Աստուածպաշտու-